

1 TIMOTEO

Kukū Kasale Ko Di Paulo

Lakpana Aata Ni Timoteo

¹ Ami, Paulo wɔ ninle ni Yesu Kristo tɔkyentε diefe ni di Yaa dikite loo ku Kristo Yesu suoto wɔ buotika ni anu, niekpana kukū ko mmle, ² nta afɔ Timoteo, obi nii bɔmbɔtε di ofū onu kame. Yaa Ote ku Saate Yesu Kristo, bale fɔ sibuale, baanya fɔ nyaami, baata fɔ atoko ɔkye ole.

Paulo Laka Timoteo Di Balaate Asaa Otuo Suoto.

³ Komis nle fasie di Efeso, fe mmle okle latɔkɔ fɔ ni di obe wɔ latofe ni Makedonia. Diekye batii bawo nkpe ninfa bootuo ni asaa otuo lalaale di Yesu Kristo ofū onu suoto. Dikpe nii, feesī ɔlaa feɛta ma di asaa otuo lalaale nwu nkpo suoto, beedie. ⁴ Tɔkɔ ma fale badie obe ɔlalaasa di sekofolaa se beewola bɛetε ni kpɔkpɔtɔ kpɔkpɔtɔ ku ana ɔyɔ ɔtɔkanta. Selaa ɔnanfi ko ninkyeko ninwako, nínta Yaa dibiesaa diwa kaanya, dile ni Yaa dibiesaa di ofū onu kame. ⁵ Lesaa le oso kokpee fɔ ni kufiofa ko mmle ninle ale, bafūbanutε bamuu lee ba ninkpe ni ninfa kayii ku lebɔmbo le niekye ni otu biene kame, ku otu wɔ ninanlo ni lepɔɔ ku ofū onu biene. ⁶ Kafɔɔ batii bawo ntookple di lesaa le mmle kamaa, beeyu osuku, batikanko selaakuu ɔnanfi. ⁷ Boomie ale bakple Mose kufiofa batuote, kafɔɔ baanu selaa se boobue ni kasɔ. Nu mankakate di Mose kufiofa nwu suoto ku okyiini.

⁸ Buye bulε Mose kufiofa nwu nle, nse otii lebla ko kū ɔkpε fe mmle di Yaa komie nii. ⁹ Dikpe nii, buonyuma kafɔɔ bulε, diele batii biene oso mankpee kufiofa, kafɔɔ batokopítε ba ninyla ni di Yaa kufiofa suoto ku bakpileblate, ku mba ninanyεke ni Yaa, ku batii ba ninanklekle nii ku anunsɔsa bablate beeyii ni ku asaakuu ɔbla, manantikanko ni ofū onu kuonwii, ku batii ba ninlo ni bate lεma ku baya lεma ku batii bamba ku batii balote oso. ¹⁰ Ku basoñokpeete, basuɔtɔ ba ninteko ni basuɔtɔ wo lεma, batii ba ninnyu batii mansunsū nii, balaate, ku mba ninlaa manlεε ni asaa osie kanya, ku batii ba ɔsaabla ninankyeεkyε ni ku asaatuo biene nwu, mma ninle batii ba bεeta ni kufiofa nwu nε. ¹¹ Asaatuo ya mmle nsi di ɔlaa biene wɔ di Yaa lεyɔ eekpee mi ni di nnεε kame ale mbue nii, ɔlaa biene wɔ niekye ni Yaa leklekle kame. Nwu kafɔɔ buɔtansa nε.

*Paulo Lape Sefa Di Mmle Okle Di Yaa Nnya Ni
Otii Nyaami Oso.*

¹² Kɔrε Saate loo Yesu Kristo sefa di osie wɔ εεtεε ni di ɔkpε nii ɔbla kame. Nnwɔɔ niesɔ mi eenyu ni εenya ale nwaako nle, ni eediki mi ale mbla nwɔ ɔkpε nε. ¹³ Kunte obe wɔ nintɔbafe nii, labue selaa kpile di suoto nɔɔ, latikanko batii nɔɔ, latufa nwɔ, kafɔɔ Yaa lanyεε nyaami. Diekye di obe nwu kame, ntafū nwɔ lanu, ntatofo kafɔɔ lesaa le latɔɔbla nii. ¹⁴ Kafɔɔ Saate loo lele mi sibuale kpинwu, εtεε kafɔɔ ofū onu ku lebɔmbɔ di Yesu Kristo onwii ɔbla kame.

¹⁵ Nwaako ɔlaa ninle nwɔ mmle, dikpe ni batii bamuu nfū mannu nii. Yesu Kristo lawa kayi ka

mmle ale ɔɔbadiki batii siikpile lema kamε, ami ninle bakpileblate ɔnɔɔfo. ¹⁶ Kafɔɔ Yaa lanyεε nyaami, ale Yesu Kristo kawε otu ɔtε kaasɔ niimur kamε anta ami, bakpileblate ɔnɔɔfo ale, kale ɔyε ɔtε onyu ɔta bakpileblate ba nikɔwa nwɔ ni ofū onu ale baawe ni nkpa be ninnaa ni kaloo. ¹⁷ Nioso bita buyɔ katansa ku dibu buta Yaa kafa ɔka wɔ ninnaa ni kaloo, mananya ni, leete nɔɔ ninle ni ɔka. Diwa kaanya.

¹⁸ Obi nii Timoteo, kokpee fɔ kufiofa ko mmle diefe ni di Yaa olaa babuetεtε selaa se baabue ni di suoto lefɔ baalesa ni katū. Mufū selaa se mmle faklee, faakpe Saate kakpe biene nwu. ¹⁹ Faamufū ofū onu lefɔ faklee osie kanya di Yesu kame, ku otu biene wɔ nintɔkɔ ni otii ɔlaa. Diekye batii bawo diekyɔɔ otu lema wɔ nintɔkɔ ma ni ɔlaa kotoko, nioso beeyu ofū onu lema osuku. ²⁰ Batii ba mmle bawo ninle Himeneo ku Aleksandro ne. Leyɔ ma lekpee di Abonsam nnεε kamε, ale baatofo ale diele ale baabue mbusuo selaa di Yaa suoto.

2

Tɔɔde ɔlaa Fatɔɔta Yaa Obe Lele.

¹ Lesaa kasale komie nle biatɔɔbla ni ninle ale, biatikiti lekoto baatii bamuu disi, biape ɔlaa minta Yaa diisi lema, biakaalε abiesaa lema minta ma, mimpe Yaa kafɔɔ sefa diisi lema. ² Bipe ɔlaa bita Yaa kafɔɔ di baka disi ku batii ba bamuu nin-ye ni di nyilakɔ kple, ale buasiε di atoko ɔkyε ole ku suoto leyɔɔ kamε, ale buafuo Yaa osumu ku dibu di sisuku simuu suoto di nkpa biene osie kamε. ³ Nle mmle ɔbla nle, nimbuo

Yaa Dikite loo kaf  o anu. ⁴ Diekye oomie ale batii bamuu baw  e didiki baatofo nwaako   laa nw  u. ⁵ Yaa onwii ko ninkpe, Kpanaate onwii kaf  o ko ninkpe, oololaa ni Yaa ku batii nt  e. Nnw  o ninle Kristo Yesu ne. ⁶ Otii w  o niay   suoto aata ni fe ole  ta di batii bamuu disi. Nni niale obe w  o nikotuo ale Yaa late ale, batii bamuu kaw  e ni didiki ne. ⁷ Nioso di Yaa lekpee mi fe t  kyente ku saatuote di batii ba ninanle ni Yuda batii nf  , ale kayie of   onu   laa biene nw  u ku nwaako   laa nw  u l  ekya. Diele   laa k  l  aa, nwaako kobue.

⁸ Di bafūbanutē kasiisakō yi, komie nle basuotō katōcpe ɔlaa mantōcta Yaa, basuotō ba niedies suoto bεeta ni Yaa leeklekle kame, baafuo ni nnεe klekle lεma katoo okplesa, di ɔblɔ ku ɔlaa ɔnanfi dilabasie ni kaamε. ⁹ Komie kafɔɔ nle basanko kalolaa mannyu di asaa lεma oklee suoto, ninamale ni ninuntofo. Ditanle kafɔɔ asi ɔbla sikitii ku sika asaa ate ate ya niefū ni kɔya okpee ku abula ya niefū ni kɔya oklee. ¹⁰ Kafɔɔ, nkpa biene osie kadiki ma kayi fε basanko ba nintikanko ni Yaa. ¹¹ Basanko bamuu kawakosa suoto kasɔ, manlo kanana mantekete asaa. ¹² Ninta basanko osuku nle baatuo asaa, manle sesaate baasuotō suoto. Nioso bamaasa nnya kloklo. ¹³ Diekye Adam di Yaa laka ɔbla fie aabla Eva. ¹⁴ Mia kafɔɔ diele Adam di Abonsam nwu lakyɔnkyɔ, ɔsanko aakyɔnkyɔ, ni aatɔɔ aabla okpile ne. ¹⁵ Kafɔɔ ɔsanko matakā kaalofokɔ, nse eesie nkpa biene di ofū onu ku lebɔmbo ku leklekle kame.

Batii Ba Okle Nikale Ni Bafūbanute Batunlete.

¹ Olaa obue wō mmle nte nkpo ale, nse otii owo komies ale ale bafūbanute tunlete, ɔkpe nwaa eediki. ² Yaa babi tunlete yi, dikpe nii anle otii wō baatii ninankakate nwō ni di suoto, an-yō osanko onwii, anle numbente, anle otii wō ninkpee ni otu, anle otii wō baatii mbu nii. Dikpe nii antofo mmle manfū ni bafōo ku otii wō ninfuo ni assaa otuo. ³ Dinaa ale anle tasiɛntε, ku otii wō ninante ni suoto kaasō. Dikpe nii anle otii wō nizycc nii, ambombō ni suoto 1eycc. Dinaa ale anle otii wō nimbebeɛ ni anu kooto suoto. ⁴ Dikpe nii anle otii wō nikofuo ni leyo nōc batii onyu nwaa, anta babi nōc mbu nwō nii, mankycc nwā ni ɔlaa kotoko. ⁵ Nse otii owo dilooftu nnwcc omu nōc leyo onyu, le abafuo bafūbanute oklee anleko ma katū? ⁶ Dinaa ale bafūbanute tunlete lele otii fōle wō ninayimu ni di ofū onu kamε, ale silaatu nwō atakatesa suoto katoo alalaa fε mmle di Abonsam labla nii, dikple nwō letokonanfi. ⁷ Dikpe nii anle otii wō baatii ba ninansi ni kaasiisakɔ nōc kobu nii, mmle okle manakpee nwō ni sinunsɔ alaabuo ni di Abonsam okū wō εεkycc εɛtε ni kamε.

Batii Ba Okle Nikale Ni Bafūbanute Kasiisakɔ Bakyakaakote.

⁸ Nkpo kafōo, dikpe nii, bafūbanute kasiisakɔ bakyakaakote kale batii ba ninkpe ni nkpa biene ne. Mammufū ɔkpe nwu mambla osie kanya. Balaale batii ba ninyi ni nta kpinwu mansie ni ku koto banumbɛbeɛtε ⁹ Dikpe ni kafōo beemufū ofū onu ɔlaa biene nwu beediki ni kayi beeklee osie kanya ku otu biene wō nintɔkɔ ni otii

əlaa. **10** Kafɔɔ fies baadiki ma ni fe kasiisakɔ bakyakaakote, dikpe nii mansɔ ma mannyu nse beewo fies baata ma ɔkpe nwu mambla. **11** Basɔfɔ lema kafɔɔ, dikpe ni beeble basanko ba ninkpe ni nkpa biene. Dinaa ale beeble batii ba nimbuɛ ni batii suoto selaa. Nioso dikpe ni beeble basanko ba nimmufū suoto manklee nii, manlolaa assaa amuu mambla nii. **12** Kasiisakɔ kyakaakote yi, dikpe ni ɔsanko onwii an-yɔ, anlolaa babi nɔɔ ku leyo nɔɔ batii bamuu anklee nwaa. **13** Bakyakaakote ba ninlolaa sekpe lema mambla ni nwaa, manwe dibu mankyeko batii nfū. Nkpo oso manwe sekambi mankakate di Yesu Kristo ofū onu əlaa suoto manta batii.

14-15 Kunte kɔkpana əlaa wɔ mmle nkyesee fɔ, konyu osuku nle di obe kakui kame mawa manya fɔ. Kafɔɔ nse kokpi kamaa ku ɔwa, kukū ko mmle mata fɔ fantofo mmle okle dikpe ni batii kasiɛ ni nkpa di Yaa leyo, dile ni batii ba niefū Yaa wɔ ninkpe ni nkpa beenu nii. Mma ninle lesɔse ku lekpaka le ninkle ni nwaako əlaa nwu ne. **16** Yaa owofalaa wɔ beediki ni kanyi buofū buonu nii, lemuɔ. Kuonwii kafɔɔ dilabafuo nwu osī. Nnwu nile ale,

“Saate nwu ladiki suoto aatuo di otii letembi kanya.

Yaa Ninwuna ladiki nwɔ aatuo ale ale otii klekle.

Yaa batɔkyente lanyɔɔ.

Batii labue nwɔ əlaa di nnle mmuu kame.

Batii kpинwu kaayi lafū nwɔ baanu.

Yaa lakpaa nwɔ aasifiko osi di leklekle kame.”

4

Batii Matikanko Selaa Kuafūnu Asaa Batuote Kamaa.

¹ Yaa Ninwuna ladiki aabue klekle ale, di ayi yentele kame, batii bawo masi ofu onu ɔlaa nwu, mantikanko kayɔnkyo anwuna ku anwuna kpile asaa otuo. ² Asaa otuo ya mmle makyē balaate ku bafūnunte nfū, ambie ambuo kaayi. Batii ba mmle situ se nintokɔ ni otii ɔlaa ntookpi fe lebɔɔsaa filale bɛeyo beefie ma situ. ³ Batii ba mmle mantuo ale diele ale baayo ɔsanko. Mantuo kafɔɔ ale diels ale baale alesaa awo. Kafɔɔ Yaa niebla alesaa nwu ale, batii ba niefū nwaako ɔlaa nɔɔ nwu beenu ni batikanko nwɔ ni kale mampe sefa. ⁴ Lesaa lele di Yaa lebla dile, blaasi kuninwii, nioso dikpe nii manfū amuu mampe Yaa sefa. ⁵ Diekye Yaa ɔlaa ku ɔlaa ɔpe ɔta Yaa di sefa ɔpe kame, nkleklesa alesaa nwu.

Nnya Otii Wɔ Ninle Ni Yesu Kristo Kpemblate Biene.

⁶ Nse feetuo babilee asaa ya mmle, ni fabakple Yesu Kristo kpemblate biene, bɛenanfi ni di nwaako ofu onu kame. Ni fatikanko asaa otuo biene. ⁷ Nioso tankyɔɔ sekofolaa ku akakate ya ninanta otii latofo ni Yaa atoko. Yo Yaa ɔlaa fananfi suoto fata nkpa biene osie. ⁸ Suoto osie lenanfi lefi, kafɔɔ Ninwuna kame suoto ɔnanfi lefū kɔya dilenke amuu. Diekye ninwako letota biene di nkpa be mmle kame ku nkpa be kafɔɔ ninkpe ni kaakpimaa kame. ⁹ Nwaako ɔlaa ninle nwɔ mmle dikpe ni batii bamuu lefū beenu nii. ¹⁰ Buokpee okyiini mumbla ɔkpɛ osie kanya. Diekye buɔyɔ osuku onyu loo buokpee di Yaa wɔ

ninkpe ni nkpa kamε, nwɔ ninle ni batii bamuu dikite, kyenkye mba niefū nwɔ beenu nii.

¹¹ Asaa ya mmle dikpe ni feetuo ma bεεbla ne. ¹² Tanta otii kuonwii lanyu fɔ sinunkɔnkɔ ta fale ni okosopo oso. Nioso, nyu fale lekakate lefɔ, nkpa disiebi lefɔ, lebɔmbo lefɔ, ofū onu lefɔ ku nkpa klekle lefɔ osie lele ɔtε onyu dieta bafūbanute. ¹³ Nyu fale fεεtɔoka Yaa ɔlaa fεεtɔota bafūbanute se beesi. Faatɔoka bamuu lema, faatootuo ma asaa dielaase di obe wɔ lewa ni. ¹⁴ Tansī Ninwuna kamε letasaa le ninsi fɔ ni kaame ɔkpε ɔblako. Nle baayo baata fɔ ni di obe wɔ di Yaa ɔlaa babuetete labue nii, di banɔɔfo latika fɔ ni nnεε di suoto. ¹⁵ Ta disibu lefɔ ditika di nle mmle suoto, faatɔɔbla ni obe lele, mmle okle baatii bamuu manya, mantofo ni nkpa lafɔ biene osie sitū ɔkyε. ¹⁶ Lolaa suoto ku asaa otuo lefɔ fanyu nwaa. Klee asaa otuo nwu osie kanya, diekye nse fεεbla nkpo, ni fabadiki suoto lefɔ ku batii ba nikonu fɔ ni ɔlaa nkpa.

5

Lolaa Bakpisɔfɔ Ku Batunlete Ku Bakpemblade Faklee Nwaa.

¹ Tansī ɔlaa faata ɔnɔɔfo ku ɔblo. Kafɔɔ kakate fatɔɔ fe mmle fabakakate fanta ni teefɔ ku suoto kasɔ ɔwakosa. Faaklee bakosopo fele babilee suɔtɔbi. ² Faaklee basanko nɔɔfo fele baya lefɔ. Faaklee bakpeeple kafɔɔ fele babilee sankobi, die leklekle le niewo ni kamε.

³ Lolaa bakpisɔfɔ ba ninnaa ni bakyakaakote faklee ku dibu. ⁴ Kafɔɔ nse kpisɔfɔ owo nkpe babi ee bawa, lekasale, mma dikpe nii mantekete

batii l̄ema onyu laayo, mannyu kaf̄o balofot̄ l̄ema fe mmle kule ni bafūbanute ɔkp̄e. Nle mmle kaf̄o nimatuo ale, boodiki balofot̄ l̄ema k̄olēe n̄e. Nle mmle ɔbla nle lesaa le nimbuo ni Yaa anu. ⁵ Kaf̄o kpisof̄ w̄o ninnaa ni kyakaakot̄, n-yo anu n̄o antika di Yaa suoto, ampe ɔlaa anta Yaa kakū ku kakȳe, diekye oomie ale Yaa kakyakaako nw̄o. ⁶ Kaf̄o kpisof̄ w̄o n̄iyeɔ suoto εeta ni nkpa ole, ntookpi di Yaa anu kunt̄ asi nkpa. ⁷ S̄i ɔlaa fata ma di ɔsaabla w̄o mmle suoto, mmle okle di batii dilabakakate ma ni di suoto. ⁸ Kaf̄o nse otii owo kaame lee lesi ale oloonyu banatii n̄o, kyenkye manko mba ninsi nii, bale nw̄o ni balofot̄, ni bitofo bile atooyu ofū onu osuku nw̄u, ni atɔɔlalaan kaf̄o anlenke otii w̄o ninanfū anu nii.

⁹ Tan-yo kpisof̄ w̄o ninayifū alenkee ni aleɛ afosi akwɔ leyooto faakpee di bakpisof̄ ayooto kam̄. Diekyakaa nii, nyu fale kpisof̄ w̄o niaȳo ni k̄osa kunwii leyooto ko faakpee di bakpisof̄ kukū kam̄. ¹⁰ Dikpe nii anle otii w̄o batii nleɛ nw̄o ni leyooto biene di ɔkp̄e n̄o biene ɔbla oso. Dikaate kaf̄o ale aale ɔsanko w̄o nielolaa babi εenanfi ni nwaa, anfū ni baf̄o kaf̄o. Dikpe ni eele ɔsanko w̄o ninkpe ni sifutule di bafūbanute wo n̄o suoto, ankyakaako ni batii di abuo l̄ema kam̄, εeyo nkpa n̄o εeta ni dibiene ɔbla.

¹¹ Tankpee bakpisof̄ ba ninayibe ni ayooto di bakpisof̄ kukū kam̄. Diekye nse k̄osa ɔyo nkle ma ɔkɔnsɔ, babakple di Kristo nkpaamāa, mansifi manaaȳo basa bamba. ¹² Nle mmle mata ma mandie ntam be ninsi ni manko Yaa nteɛ manlo ma l̄ep̄o. ¹³ Di nle mmle kamaa, babakple bakȳo, manlalaasa obe l̄ema mantookyi batii

ayo mantoobue batii selaa, mantɔɔkakate di batii sekpe suoto, mambue selaa se ninankaate ale baabue nii. ¹⁴ Nioso, komie nle bakpisɔfɔ ba ninayibe nii baayɔ asa, manlofo babi, mannyu ma, mmle okle ninamata ale bakyidite loo kawɛ osuku mankakate wo ni di suoto kpɔnɔnfɔɔ. ¹⁵ Diekye bakpisɔfɔ bawo ntookple nkpaamaa batikanko Abonsam. ¹⁶ Nse bakpisɔfɔ nkpe di bafūbanute sanko owo leyo, nnwɔɔ dikpe nii annyu ma ale alaayɔ atoo nwu atika di bafūbanute suoto. Mmle okle di bafūbanute dikudi nwu kafɔɔ mafuo ni bakpisɔfɔ ba ninnaa ni bakyakaakote onyu.

¹⁷ Bafūbanute batunletε ba nikololaa ɔkpε mambla nii, dikpe nii, bεeta ma koto ko niɛkyε ni sitū sεenyɔ kame ku dibu. Kyenkye mba nintuo ni asaa, mambue ni ɔlaa biene nwu kafɔɔ. ¹⁸ Diekye beebue Koɔkpana Klekle Kukū kame ale, “Tannii bɔkeε wɔ ninkyakaako manfielε ni alesaa kanya, nse ɔɔbla ɔkpε koofe.” Diekye, “Kρεmblate dikpe nii, mantɔɔ koto.” ¹⁹ Nse otii owo lewako fɔ lεnyabudi di tunletε owo suoto yi, tanfū ɔlaa nwu faanu, diediki feenu ɔlaa nwu feekyeko batii banyɔ ee batie nfū fie. ²⁰ Batii ba nikɔbla ni sikpile yi, dikpe ni feediki ma kayi, feesi ɔlaa feεta ma di bafūbanute bamuu anu. Ni, dibata batii bule nyεke okpile ɔbla.

²¹ Nioso kɔka fɔ, nkpee fɔ kufiofa di Yaa ku Yesu Kristo ku Yaa batɔkyentε anu nle, faamufū afiofa ya mmle fanklee osie kanya, ale flaanyu otii kuonwii di anu di lesaa lele fɔɔbla kame. ²² Te suoto, tantaka nkyenkye faatika otii kuonwii nnεε di suoto, fase nwɔ sεnɔɔfo faata Yaa

ɔkpε. Tanyila bakpileblate kamaa, bla suoto klekle.

²³ Ta kafutu lεfɔ ofiε oso, tantɔkɔ falε footoonyi ntu lete. Dile ale faatoonyi nta kεεkεkεεkε, ta mmle foofie ni wlawla oso.

²⁴ Batii bawo sikpile nte temple diotuo ale batookpi lεpɔɔ bεεta ni lεkanko. Batii bawo kafɔɔ sele sεmaa fie sibadie ma kayi. ²⁵ Nkpo okle kafɔɔ di asaa biene ɔbla nte temple nε, bia nnya mɔnɔnya nii, dilabawofa diidii, abadie kayi.

6

¹ Tɔkɔ bafūbanute ba ninle ni balanle falε baayo dibu le niesiɛko ni manta basaate lεma, ale otii kuonwii dilawε osuku akakate di asaa otuo loo ku Yaa leyooto suoto. ² Diekaate ale balanle ba baasaate lεma nle ni bafūbanute, balanle nwu dilaabu ma tɑ babilεma bale ni di Yesu kame oso. Dikpe nii, manwakosa suoto kasɔ mankyakaako ma nwaa. Diekye basaate ba nikowε ni lεkyakaako di sεkpe lεma ɔbla kame, bafūbanute ku babombɔtε bale fε mma. Dikpe nii feetuo asaa ya mmle feekpee ma osie bεεbla ny.

Lolaa Fanyu Di Asaa Otuo Lalaale Suoto.

³⁻⁴ Otii lele nietuo lesaa bamba le ninankaate ni ku Saate Yesu Kristo nwaako ɔlaa nwu suoto, otii nwu kɔtakatesa suoto katoo ananye ni lesalesaa. Selaa ɔnanfi, nsī ankyeko anwako nε. Nle mmle nwako onumbεbεε, kalɔ, katufa, disibu kpile di batii suoto, ⁵ Ku selaa ɔnanfi ɔklesa. Nni nintikanko batii ba di disibu lεma diloosimbla ni ɔkpε nwaa, batookple ni ɔlaa biene nwu

nkpaamaa. Batii ba mmle nnyu ale Yaa ofū onu nle koto ɔwε sisuku.

⁶ Kafco, se anu leses otii di Yaa ɔkpε ɔbla suoto di asaa ya ninkpe nwɔ ni lebuo nwɔ anu yi, nimakple fe saawente ale. ⁷ Diekye fe mmle baalofo wo nii, butaklee lsesaa buawako ni kayi, se buokpi kafco, nkpo okle munamayo lsesaa busifiko ne. ⁸ Nioso, se nle buaklee ni ku nle buale ni nkpe wo, bita dipɔ wo. ⁹ Kafco batii ba di anu nses ma ni di koto ɔwε suoto, nnɔɔ mambuo di Abonsam okū wɔ εεkyɔɔ εεtε ma ni kamε. Ninta ale mambuo di asaakuu ɔbla kamε, ku suoto sina sikpile ɔkɔnsɔ akleessa ya ninta otii mbuo ni di kalalaa ku kawɔɔ kamε. ¹⁰ Diekye sikpile simuu kataakɔ ninle koto ɔnumbebeε. Diekye koto ɔbɔmbɔ oso, batii bawo ntooyu ofū onu osuku nwu. Nkpa lεma kafco ntoobuo di abuo kamε.

Paulo Laka Timoteo Mmle Okle Aayila Ni Di Ofū Onu Kame.

¹¹ Kafco afɔ, Timoteo, obe wɔ fatɔɔ suoto feeta ni Yaa oso, toso asaa kpile ya mmle amuu. Faatikanko lesaa biene ɔbla. Faatikanko Yaa di ofū onu kamε, faawε lεbɔmbo, faawε otu faklee batii di suoto kasɔ ɔwakosa kamε. ¹² Kpe kakpe biene di ofū onu kamε. Faawε nkpa be ninnaa ni kaloo, nkpa be oso di Yaa leles fɔ ni di obe wɔ faadiki ofū onu lεfɔ faabue ni di bafūbanutε kpinwu anu. ¹³ Di Yaa wɔ ninta ni asaa amuu nkpa anu ku Yesu Kristo wɔ niadiki ofū onu nɔɔ aabue ni di Pontio Pilato anu, kokpee fɔ kufiofa ko mmle. ¹⁴ Nle faaklee kofiofa ko mmle osie kanya ale, otii kuonwii dilaawε ɔlaa kpile

kuonwii abue di suoto lefə dielaase di obe wə di Saate Yesu Kristo makple anwa nii. ¹⁵ Yaa mata Yesu Kristo nkple anwa lənyoofa di obe wə ninle nwə nii. Yaa wə leete nōc ninlenke nii, ale ni baka ḥka ku basaate Saate. Nnwəc buɔtansa ne. ¹⁶ Lete nōc ninle Yaa wə ninamakpi ni diidii, asi ni di leklekle le di otii kuonwii dilaafuo ni ɔteetee. Kuonwii diinyoo, kuonwii kafoo dilabafuo nwə ɔnya. Katansa ku osie ninle nwə lele, dinaa ni kaloo. Diwa kaanya.

¹⁷ Təkə batii ba ninle ni basaawente kaayi ka mmle fale batantakatesa suoto katoo ee bayo osuku onyu ləma batika di ato ləma ya nimawoo ni suoto. Kafoo bayo osuku onyu ləma batika di Yaa suoto. Diekye nnwəc ninta wo abiesaa loo amuu di sifutule nōc kame ale suoto kayoo wo. ¹⁸ Təkə ma fale babla dibiene, baata sekpe biene ləma ɔbla dikple ma lesaawə. Baata batii assaa ku sifutule. ¹⁹ Se bəεbla nle mmle, ni boosiisa akesinəsaa mante suoto di kəseə ko nikəwa nii. Ni babawe nkpa biene be nikəwa nii.

²⁰ Timoteo, lolaa lesaa le di Yaa ləyə eekpee fə ni di nnəe kame faklee nwaa. Tankpotoo di selaaakuu obue ku selaa ɔnanfi kame, di batii bawo konyu ale, nni ninle ni lesaatofo. ²¹ Diekye batii bawo ntooyu ofū onu osuku nwu ta abuusaa ya mmle otikanko oso.

Yaa sibuale disiəko ye.

Yaa Kanya Ninii Fole Selεε

Selεε: Yaa Kanya Ninii Fole Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6